

ДОВОДНЫЕ
АКСИОТИЧЕСКИЕ
РАЗСКАЗАНИЯ

А. А. МАРКОВ

МОСКОВСКИЙ
УНИВЕРСИТЕТ
ИЗДАТЕЛЬСТВО
УЧЕБНОЙ
ЛИТЕРАТУРЫ

1

Page 1 of 22



Акафист

священномученику Вениамину, митрополиту Петроградскому и Гдовскому

Кондак 1

Избранный Христом Господом на служение Ему, с юных лет воспламенивший в сердце отрока Василия искру горения пострадать за веру православно исповедающих Его — Христа — Спасителя мира. Самым делом послежде исполнил еси желаемое, исповедуя пред неверными и свидетельствуя: «Я — за Христа». Почитая твое мужество и терпение, воспеваем ти: Радуйся, священномучениче Вениамине, архипастырю Церкви Христовы.

Икос 1

Ангел Церкви был еси во граде святого Петра и в северном крае страны нашей. Христос Господь постави тя свещнице высоты служения Ему митрополии Петроградския, да спасеши

стадо избранных овец Его, укрепляя их в православии, наставляя в благочестии и доброделании. Сего ради и мы, душепопечением, воспеваем тебе:

Радуйся, отрок сый Богоизбранный, мученичества возжелавый;

Радуйся, юноше Богобоязненный, путем побеждения страстей шедый.

Радуйся, в мужа возраставый, в меру возраста Христова пришедый и в добродетелех преуспевый;

Радуйся, подвигом добрым подвизавыйся, священное служение приавый.

Радуйся, апостольского служения приемниче, в сане епископа добре потрудивыйся;

Радуйся, паству твою Петроградскую от раскола обновленческого охраняяй.

Радуйся, мужество и терпение явивый пред безбожными гонителями веры;

Радуйся, священномучениче Вениамине, архипастырю Церкви Христовы.

Кондак 2

Видя Господь в будущем тя воеводу
ратоборцев за веру Христову, посла ти духа
ревности по Бозе и желание в сердце твоём
Богоугодное проводить житие и мученическим
исповеданием веру православную соблюсти, да
со страдальцы вопиеши вечно Богу: Аллилуиа.

Икос 2

Разумом свыше просвещенный и Духом
Святым одаренный, сердцем же во благочестии
от младости воспитан сый, радость и утешение
всем был еси. Тем же приносим тебе хвалы
сицевые:

Радуйся, светом благочестия от Бога
озаренный;

Радуйся, учением благочестия издетства
напоенный.

Радуйся, отрасли благоухающая корене
духовнаго;

Радуйся, девственную чистоту от юности
возлюбивый.

Радуйся, иерея Божия и благочестия
родительскаго наследниче преизрядный;

Радуйся, душу свою всецело Господу
посвятивый.

Радуйся, молитвою и Богомыслием ум свой в
горняя вперивый;

Радуйся, священномучениче Вениамине,
архипастырю Церкви Христовы.

Кондак 3

Силою Божиею укрепляемый, ангельский
образ приял еси и в монашестве Вениамином-
сыном десницы - наречен был еси, труды
великия подъял, постом страсти плотския
умертвив, и яко воин, противу князя власти
воздушныя, во всеоружия Божия одет еси,
досточудне. Светом богоразумия твоего и нас
озари, да вопием купно с тобою Богу: Аллилуиа.

Икос 3

Имея благодать священства дело
благовестника и инспектора добре сотворил еси
в стенах Холмския семинарии со всяким
долготерпением и учением наставляя, иных же
ко исправлению жития словесы и дела твоим
влекл еси. Почитая сия труды твоя, единомушно,
едиными усты с митрополитом Евлогием,
восхвалявшего тя и мы тебе вопием:

Радуйся, монашеский подвиг и иерейское служение в житии своем добре сочетавай;

Радуйся, юные души наставивый и ко Христу приведый.

Радуйся, преемниче рода священного;

Радуйся, искавший спасения правым учением оглашавый.

Радуйся, житием своим сего учения не посрамивый;

Радуйся, яко праведно дадеся ти жребий пастырского о душах попечения.

Радуйся, неустомимый священнослужителю Господень и вся часы суток готовый пребывать в храме Божия;

Радуйся, священномучениче Вениамине, архипастырю Церкви Христовы.

Кондак 4

Бури греховныя избежав и нападения вражия бодрственным житием своим утишая, к небесным благим устремился, боголюбче Вениамине, единую же Премудрость Ипостасную взыскав, тайны богословия от Нея восприял, сего ради от архиерея Божия во

архимандрита возведен, ректором духовных Петроградских семинарий поставлен, да со всеми учащими и учащимися поеша Богу: Аллилуиа.

Икос 4

Слышаша иерархи Церкви Российской о трудах твоих неустанных, яко ангела, знамение благодати небесных носяща, реки богомудрых словес источающа. Тем же и мы, дивясь чудному промыслению Божию, поставившему тя ректором семинарии, достохвально взываем:

Радуйся, Слова Божия богомудрый истолкователю;

Радуйся, многия и словесы и дела наставивый: "Вся возможно совершить со Христом и во имя Христово".

Радуйся, талант свой в земле не сокрывый;

Радуйся, во славу Божию и на спасение душ человеческих его употребивый.

Радуйся, смирением своим духа гордыни низложивый;

Радуйся, ратоборче доблий, полки невидимых врагов победивый.

Радуйся, терпению житием своим вся
научивый;

Радуйся, священномучениче Вениамине,
архипастырю Церкви Христовы.

Кондак 5

Боготечную звезду показа ты на небесех в
сонме священномучеников Господь
Вседержитель, зане и на земли был еси звезда
светлая, Боготочною Кровию от вечныя смерти
искупленный соблюдая, егда сан епископа,
викария Гдовского, приял еси, темже и ныне на
небесех сияеши славою вечною и купно с лики
праведных воспеваеши хвалебную песнь:
Аллилуиа.

Икос 5

Видеша ты православнии людие, яко светило
церковное, сияющее в просвещение народа
Божия на свещнице святительского,
окормлявшего Петроградскую паству, и не
леностно трудившегося на спасение душ
человеческих, темже и слышиши таковыя тебе
похвалы:

Радуйся, во епископа нареченный
митрополитом Владимиром-
священномучеником;

Радуйся, хиротонисанный во святительство
будущим патриархом Тихоном.

Радуйся, яко притяжал еси сердца людския
любве к тебе исполненные;

Радуйся, архипастырю, "батюшкой
Вениамином" с любовью в народе именуемый.

Радуйся, иго Христова благое и легкое
носивый;

Радуйся, неусыпный делателю винограда
небеснаго.

Радуйся, пастырский долг и апостольскую
проповедь восприял во епископском служении;

Радуйся, священномучениче Вениамине,
архипастырю Церкви Христовы.

Кондак 6

Проповедник учения Христова воистину
явился еси, священномучениче Вениамине, егда
Петроградскую митрополию вручил ти Господь,
словом твоим в вере наставляя, житием во

благочестии верных утверждая и всех поучая с любовью пети Богу: Аллилуиа.

Икос 6

Возсияв светом Богоразумия твоего в северном крае страны нашея, святителю Вениамине, людие бо видевше тя наставника добра Божественных учений радовахуся зело и единомушне избраша тя кормчим кафедры Петроградския. Приими и от нас, угодниче Божий, похвалы сия:

Радуйся, любимиче паствы твоея-народа Божия;

Радуйся, в хижины бедных мира сего смиренне шел еси.

Радуйся, и в святительском сани вся требы верным исполняяй;

Радуйся, в нищете их прибывающих посещавый.

Радуйся, архипастырю добрый, самолично святым крещением многа чада Церкви породивый;

Радуйся, Божественныя Литургии предстоятелю умиленный.

Радуйся, заблудших в раскаяние приведый;
Радуйся, священномучениче Вениамине,
архипастырю Церкви Христовы.

Кондак 7

Хотя Человеколюбец Господь явити в тебе истинного пастыря, показа тя образ стаду словесному во трудах твоих, в чистоте и кротости светлой души твоей, дела бо и словесы своими всех приводил еси ко благочестию. Сего ради и мы тебе усердно величаем и прославльшему тя Христу вопием: Аллилуиа.

Икос 7

Новаго тя ревнителя по благочестию видевшие и безграничную преданность Церкви Христовы, паства Петроградская внимаше ти смиренному, простому и кроткому архипастырю верующих душ, в великом множестве наполняша храмы, идеже совершашася твои митрополичьи богослужения. Ведая близость твою ко Христу Богу, Ему же молиться не престай и о нас грешных, вопиющих ти хвалебно:

Радуйся, избранниче народа, поставленный на кафедру Петроградскую;

Радуйся, труды велия положивый ко спасению падших.

Радуйся, наставниче добрый, сущим в бедах сострадавый.

Радуйся, яко коемуждо в горестех, аки утешитель являлся еси;

Радуйся, евангельской простотой и сердечностью сияй;

Радуйся, правил церковных нелицеприятный блюстителю.

Радуйся, по словеси апостола Петра стадо Божие пасый.

Радуйся, священномучениче Вениамине, архипастырю Церкви Христовы.

Кондак 8

Странно быша неверным и нечестивым зрети, како святитель Вениамин, сей воистину воин Христов, мужественно облекшись в броню правды и преподобие истины, внегда огненным испытанием посети Господь страну Российскую, яви досточудное терпение

и высокое благородство при изъятии безбожными церковных ценностей. Тем же и

нас, рабов Божиих, соблюди от всех враг видимых и невидимых, воспевающих Богу: Аллилуиа.

Икос 8

Весь бе исполнен ревностию Илии пророка, святе Вениамине, егда узрел в келии своей обновленца Александра Введенского, аки второго Иуду с вои безбожных пришедша и лицемерно благословения просяща, благословения не дал еси, но рекл ему: "Мы не в Гефсиманском саду". Живоцерковников соборище обличи, отлучив от Церкви. Поминая твое непоколебимое стояние, воспеваем ти:

Радуйся, добрый пастырю стада Христова-паствы Петроградския;

Радуйся, святою ревностию о спасении чад Божиих пламеневый.

Радуйся, милосердствуя о голодающих добровольно, без принуждения, церковное имущество даяти предлагая;

Радуйся, болезнуя душею о кощунниках и святотатцах, верныя от обновленцев защищаяй.

Радуйся, единомысленный святому
исповеднику патриарху Тихону и сподвижником
его бывый;

Радуйся, Православия светило.

Радуйся, всякия неправды нелицеприятный
обличителю;

Радуйся, священномучениче Вениамине,
архипастырю Церкви Христовы.

Кондак 9

Всякие беды понесл еси, святителю
Вениамине, всякие лишения, обиды и страдания
претерпев, егда преемники Ирода на тя руки
наложиша, и задержав, ввергли в темницу, в
ней же яко и в дому Божию взывал Христу-
Спасителю: Аллилуиа.

Икос 9

Витии многовещанныя не возмогут изрещи
вся болезни и раны, яже ты, яко служитель
Божий явил "в великом терпении, в бедствиях, в
нуждах, в тесных обстоятельствах, под ударами
в темнице" и ничто из сего "не возможе
разлучити тя от любви Божия во Христе Иисусе".
И ныне и всегда верныя чада, поем во славу
наставника своего:

Радуйся, в темницу со смирением безропотно
шедый;

Радуйся, любовью паствы утешенный.

Радуйся, яко море волнующееся, паства
преданная ти, многотысячным собранием у суда
ожидаше тя;

Радуйся, ближняя своя паче себе
возлюбивый.

Радуйся, страдальцы с тобою судимыя
укрепивый;

Радуйся, мучеников похвало.

Радуйся, святителей славо;

Радуйся, священномучениче Вениамине,
архипастырю Церкви Христовы.

Кондак 10

Спасти хотя всякаго человека Господь
Серцеведец, зря твою ревность: в юности бо ты
лобызал пламенеющим сердцем первых
мучеников и скорбел, яко не можеш
приобщиться их славному подвигу, по
исполнении времени посла ти желаемое, да и ты
спостраждеши о имени Его- Христа Бога и со
страдальцы воспоеши: Аллилуиа.

Икос 10

Стена невинно гонимым пастырем и миряном был еси, священномучениче Вениамине, с тобою судимья ограждая от ложных наветов, самого себя ставя ответственным за вся. Враги не возмогоша противостати мудрости и духу, вещающему твоими устами, егда ты изобличал их клеветы и явил радостное желание умереть за Христа. Мы же, премудрости и мужеству твоему дивящиеся, со умилением взываем ти:

Радуйся, исполненный веры и силы первосвятителю града святого Петра;

Радуйся, кроткий и дерзновенный, первомученику Стефану уподобивыйся.

Радуйся, цевнице духовная, Духа Святого исполненная;

Радуйся, архиереев богодухновенное украшение.

Радуйся, ополчаться за тя верным воспретивый;

Радуйся, до конца вспять не отвративыйся.

Радуйся, яко мученицы на небесех о терпении твоём ликовашу;

Радуйся, священномучениче Вениамине,
архипастырю Церкви Христовы.

Кондак 11

Пение благодарственное и хвалебное
приносим ти, священномучениче, положившаго
душу свою за други своя. Дерзновенною верою
православнии исповедуем яко праведник и по
смерти жив будет во веки, поя Богу: Аллилуиа.

Икос 11

Светлосиянного светильника почитаем тя,
страдальче Христов, последнее слово твое с
высокой мученической кафедры беззаконного
суда назидает всех и потрясает своим величием.
Сия твоя, священномучениче, последняя
проповедь: "не знаю, что вы мне объявите в
вашем приговоре: жизнь или смерть, но чтобы
вы в нем не провозгласили, я с одинаковым
благоговением обращу свои очи горе, возложу на
себя крестное знамение и скажу: "Слава Тебе,
Господи Боже, за все!". Мы же с умилением тебе
воспеваем:

Радуйся, узы и темницу за Христа приявший;

Радуйся, единою святою просфорою вся
темничные дни питавайся.

Радуйся, последнее святительское
благословение в темнице соузникам
архимандритам

Гурию и Иннокентию давай;

Радуйся, яко во временней жизни сей, любви
ради ко Господу, до конца во спасение души
твоея подвизавыйся.

Радуйся, яко в нощи воскресного дня
убиенный в знамение всеобщаго воскресения;

Радуйся, яко чрез страдания сподобился
причастником быти вечныя славы.

Радуйся, яко во имя твое храмы Божия
воздвизаются;

Радуйся, священномучениче Вениамине,
архипастырю Церкви Христовы.

Кондак 12

Благодать, свыше ти данную, познавши,
благоговейно лобызаем светолепное всечестнаго
лица твоего изображение и умиленно вопием
Христу Богу нашему: Аллилуиа.

Икос 12

Поюще твое славное и непреоборимое
стояние за веру истинную, ублажаем

мученическое страдание твое и приемлюще последнее писание тобою с темницы, подобно великому апостолу языков Павлу посланное учеником и сопастырем, внимаем ему, яко завещанию твоему и взываем ти:

Радуйся, яко открылась тебе возможность терпеть Христа ради;

Радуйся, яко при великих скорбех избыточествовало тебе утешение от Бога.

Радуйся, исполненный среди самых тяжких страданиях радости и внутреннего покоя;

Радуйся, за Христа претерпевший вся - темницу, суд, общественное заплевание, обречение и приговор- "повинен смерти".

Радуйся, во Христе обретший жизнь, свет и покой;

Радуйся, себе не жалевший для Церкви и забывший свой ум, ученость и давший место благодати Божией.

Радуйся, судьбу Церкви вручивый силе веры и заповедавый всем: "веры надо больше, больше надо иметь нам веры";

Радуйся, священномучениче Вениамине, архипастырю Церкви Христовы.

Кондак 13

О великий и преславный исповедниче Православия и страдальче, священномучениче Вениамине! Приими сие похвальное пение от нас, недостойных, любовью чтущих тя и твоя за Христа и Церковь Его святую страдания. Умоли венчавшего тя славою Господа ниспослати нам от бед, скорбей и болезней, обдержавших ны, скорое избавление. Буди неослабный молитвенник нам пред Престолом Всевышняго да в вечней жизни сподобимся с тобою и со всеми святыми пети Ему во веки: Аллилуиа.Аллилуиа.Аллилуиа.

(Кондак сей глаголи трижды. И паки: Икос1 и Кондак1)



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО